



Sarajevo, ~~16-06-2022~~  
Broj: 03-16698-1122

Na osnovu članova 69. stav (2) tačka d) i 70. stav (1) i (4) Zakona o javnim nabavkama Bosne i Hercegovine ("Službeni glasnik BiH", broj 39/14), člana 95. Statuta Javnog preduzeća Elektroprivreda Bosne i Hercegovine d.d. - Sarajevo-Prečišćeni tekst, broj: NO-2190/21-41./2. od 25.01.2021. godine i Statuta o dopuni Statuta Javnog preduzeća Elektroprivreda BiH d.d. - Sarajevo, broj: SD-20745/21-70./6. od 30.07.2021. godine, člana 73. stav (1) i stav (6) Pravilnika o nabavkama Javnog preduzeća Elektroprivreda Bosne i Hercegovine d.d. - Sarajevo, broj: NO-5155/15-52/5.1 od 26.02.2015. godine, broj: NO-16376/17-54./4. od 30.05.2017. godine i broj: NO-5220/22-78/11 od 03.03.2022. godine, člana 4. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva-Prečišćeni tekst, broj: 06-14208/20 od 29.05.2020. godine, Izvršni direktor za distribuciju, na preporuku Komisije za nabavku, donosi

## ODLUKU o poništenju otvorenog postupka javne nabavke

### Član 1.

Poništava se otvoreni postupak javne nabavke radova, broj OP-002/22 „Izvođenje radova na horizontalnom usmjerenom bušenju terena s daljinskim radio upravljanjem (HDD) u cilju polaganja energetskih kablova ispod trupa prometnih saobraćajnica, pruga, rječnih korita ili drugih sličnih prepreka“, jer jedina primljena ponuda nije prihvatljiva (član 69. stav (2) tačka d) Zakona o javnim nabavkama Bosne i Hercegovine).

### Član 2.

Zadužuje se Služba za komercijalne poslove Podružnice "Elektrodistribucija", Sarajevo da u roku od tri dana, a najkasnije u roku od sedam dana od dana donošenja ove Odluke, istu dostavi ponuđaču koji je blagovremeno dostavio ponudu i time ga obavijesti o rezultatima postupka navedenim u Odluci.

### Obrazloženje:

Ugovorni organ je, Odlukom direktora Podružnice "Elektrodistribucija", Sarajevo, broj: 03-4-63-20214-1/22 od 21.04.2022. godine, pokrenuo otvoreni postupak javne nabavke radova, broj OP-002/22 „Izvođenje radova na horizontalnom usmjerenom bušenju terena s daljinskim radio upravljanjem (HDD) u cilju polaganja energetskih kablova ispod trupa prometnih saobraćajnica, pruga, rječnih korita ili drugih sličnih prepreka“. Istim aktom su za predmetni postupak imenovani i članovi Komisije za nabavku.

Za predmetnu nabavku objavljeno je, na Portalu javnih nabavki, Obavještenje o nabavci, broj 1437-1-3-31-3-66/22 od 27.04.2022. godine.

Rok za dostavu ponuda bio je 18.05.2022. godine do 12:30 sati, a otvaranje ponuda je održano isti dan u 13:30 sati.

Tendersku dokumentaciju sa Portala javnih nabavki preuzelo je osam privrednih subjekata.



Vilsonovo šetaliste 15, 71000 Sarajevo, BiH,

Reg. broj: UF/I-392/04 Kantonalni sud Sarajevo  
Porezni broj: 4200225150005, PDV broj: 200225150005  
3389002208746755 - UniCredit banka d.d. Mostar  
1549212003366506 - Intesa SanPaolo banka d.d. BiH Sarajevo  
1610000005160023 - Raiffeisen Bank d.d. BiH Sarajevo  
1990490176075902 - Sparkasse Bank d.d. BiH Sarajevo  
1401011110000812 - Sberbank BH d.d. Sarajevo  
www.epbih.ba

Podružnice Društva:

Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Čatići  
Termoelektrana «Tuzla», Tuzla, 21. aprila 4  
«Elektrodistribucija», Bihać, Bosanska 25  
«Elektrodistribucija», Mostar, Adema Buća 34  
«Elektrodistribucija», Sarajevo, Zmaja od Bosne 49  
«Elektrodistribucija», Tuzla, Rudarska 38  
«Elektrodistribucija», Zenica, Safvet bega Bašagića 6

Ponudu je blagovremeno dostavio ponuđač:

Naziv ponuđača	Cijena bez PDV-a	Popust
1. HYDRA d.o.o. Sarajevo	199.200,00 KM	NE

Ukupna procijenjena vrijednost nabavke iznosila je 200.000,00 KM. U postupku je bilo predviđeno provođenje e-aukcije.

Komisija za nabavku je izvršila pregled i ocjenu pristigle ponude ponuđača HYDRA d.o.o. Sarajevo, te utvrdila da ista nije prihvatljiva, iz sljedećih razloga:

- Tačkom 3.2.b tenderske dokumentacije, propisano je: „Što se tiče tehničke i profesionalne sposobnosti, ponuđači moraju zadovoljiti sljedeće uslove: ... Uslov: Angažovano tehničko osoblje (za koje se ne zahtijeva da je uposleno kod ponuđača): -1 (jedan) voditelj građenja – diplomirani inženjer građevinskog smjera sa pet godina radnog staža na poslovima građenja sa položenim stručnim ispitom, -1 (jedan) rukovodilac radova – minimalno SSS građevinskog smjera; a podatke o istim dostaviti u kompletno popunjenoj Tabeli 2. Dokaz: Za obrazovne i profesionalne kvalifikacije osoba koje su odgovorne za izvođenje radova ponuđač mora dostaviti: -uvjerenje (kopija) o položenom stručnom ispitu za voditelja građenja diplomiranog inženjera građevinskog smjera, -uvjerenje (kopija) o završenoj stručnoj spremi za rukovodioca radova minimalno SSS građevinskog smjera“.

Ponuđač je, na stranici ponude broj 17, u Tabeli 2 (Lista uposlenika koji će biti angažovani na realizaciji ugovora) pod rednim brojem 2 naveo sljedeće podatke:

Ime i prezime: Nedžad Đukić; Stručna sprema: SSS; Radno mjesto: Rukovodilac radova; Zanimanje Arhitektonski tehničar. Za navedenu osobu je, kao dokaz za obrazovne i profesionalne kvalifikacije, na stranama ponude 19 i 20, dostavljena kopija Svjedodžbe o završnom ispitu izdata na ime „Nedžad Đukić“, struka: građevinska, smjer-zanimanje: arhitektonski tehničar. Dakle, radi se o različitim imenima navedenim u Tabeli 2 i u dokazu o obrazovnoj i profesionalnoj kvalifikaciji - dostavljenoj kopiji o završenoj stručnoj spremi. Ni u jednom dijelu dostavljene dokumentacije nije se moglo utvrditi da se radi o istoj osobi.

- Tačkom 4.1 tenderske dokumentacije je propisano: „Ponuda se, zajedno sa pripadajućom dokumentacijom, priprema na jednom od službenih jezika u Bosni i Hercegovini, na latiničnom ili ćirilničnom pismu. Svi dokumenti za koje se zahtijeva potpis, moraju biti potpisani svojeručno od strane ovlaštenog lica ili opunomoćenika (u kojem slučaju se punomoć mora priložiti u ponudi u vidu originala ili ovjerene kopije)“.

Uvidom u priloženi Aktuelni izvod iz sudskog registra, broj 065-0-RegZ-22-003459 od 31.03.2022. godine, utvrđeno je da je lice ovlašteno za zastupanje subjekta Amer Jusufbegović, direktor, bez ograničenja.

Izjava o ispunjenosti uslova iz člana 45. stav (1) tačke od a) do d) i Izjava iz člana 52. Zakona o javnim nabavkama, koje su dostavljene u ponudi, su potpisane od strane Sokolović Amine. Na izjavama je naznačeno da se potpisivanje istih vrši po punomoći, broj 3868 od 03.09.2020. godine. Navedena punomoć nije dostavljena u ponudi.

Na osnovu ukupne ocjene ponuda, Komisija za nabavku je predložila poništenje predmetnog postupka nabavke jer jedina primljena ponuda nije prihvatljiva (član 69. stav (2) tačka d) Zakona o javnim nabavkama Bosne i Hercegovine).

Na osnovu iznesenog, odlučeno je kao u dispozitivu Odluke.

### Pouka o pravnom lijeku:

Protiv ove Odluke može se podnijeti žalba ugovornom organu (JP Elektroprivreda BiH d.d. – Sarajevo, Podružnica "Elektrodistribucija" Sarajevo) u roku od 10 (deset) dana, od dana prijema ove Odluke.

Dostaviti: - Ponuđaču;

- Podružnica "Elektrodistribucija", Sarajevo;

- a/a

Izvršni direktor za distribuciju  
Elvira Lojić



Vilsonovo šetalište 15, 71000 Sarajevo, BiH,

Reg. broj: UF/1-392/04 Kantonalni sud Sarajevo  
Porezni broj: 4200225150005, PDV broj: 200225150005  
3389002208746755 - UniCredit banka d.d. Mostar  
1549212003366506 - Intesa SanPaolo banka d.d. BiH Sarajevo  
161000005160023 - Raiffeisen Bank d.d. BiH Sarajevo  
1990490176075902 - Sparkasse Bank d.d. BiH Sarajevo  
14010111.10000812 - Sberbank BH d.d. Sarajevo  
www.epbih.ba

Podružnice Društva:

Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Čatići  
Termoelektrana «Tuzla», Tuzla, 21. aprila 4  
«Elektrodistribucija», Bihać, Bosanska 25  
«Elektrodistribucija», Mostar, Adema Buća 34  
«Elektrodistribucija», Sarajevo, Zmaja od Bosne 49  
«Elektrodistribucija», Tuzla, Rudarska 38  
«Elektrodistribucija», Zenica, Safvet bega Bašagića 6